

# A nostra indiatura

Per tutti quelli Corsi spatriati  
Chi càmpanu à straziera tralasciati  
Ch'elli voltinu in Corsica, micca solu per di  
Campà da veri Corsi è sta si qui  
Per tutti i patriotti incarcerati  
Chi lu sole, lu soiu, hè aniguittatu  
I so lochi so luntani é un si po capi  
Di ricusà ch'elli stianu qui

per a lingua nostra inghjuliata  
Chi aspetta da tantu esse parlata  
Un basta un Riacquistu per fà la campà  
A lingua si more, l'emu da salvà  
Per a nostra terra marturiata  
Vinduta à li furdani o suscicata  
Da Giraglia à li Lavezzi, quessa un po durà  
E noi insieme, un lasceremu fà

Per a nostra natura incastulata,  
Da li fiari, tutti l'anni, hè brusgiata  
Chi à spessu certa ghjente a volenu intuppà  
A terra ùn hè à vende, nè à cumprà !  
Per la giuventù nostra intrappulata  
Mandata in cuntinente è spalluzzata  
In Cursichella solu, ci vole campà  
È vicinu à li soii, travaglià ...

Per tutti li figlioli di sta terra  
Ch' ella si ne vaca in fume la misèria  
Ch'è no pàssimu infine, infine prufittà  
Di tutte le ricchezze da rigalà !  
Prufittà di sta terra cusi bella  
Cù stu populu fieru è ribellu  
E chi nisun'nemicu ùn puderà supranà  
Chi mai nisun'populu ùn dumarà !

La nostra l'indiatura  
Hè di sempre sfrumbulà  
Cio chi ùn sende  
È chi sciagura  
Un mondu novu hè da rifà ...